

北洋官報

目錄

宮門抄
恩詔
上諭
交旨

奏議○法部奏擬補奉天各廳員缺摺△湘撫岑奏擴充
農學堂摺
公體○督憲札一件△南和縣稟一件
文告三則△電報七則△初開十二則
彙編○南和自治研究所簡章△奉天濟良所章程

本局第一百十八期法政學報已出

宮門抄

十月初十日 陸軍部 鑾輿衛 廂白旗值日 禮王等由 東陵回京請 安並謝加級 恩

榮中堂謝 賞太子少保銜並謝加級 恩 海公 朱侯等由 東陵回京請 安 姜桂題

由 東陵回京請 安並請 訓 坊公假滿請 安 柯劭忞謝署學部右參議 恩 文

璞請假十日 溥侗續假十日 內閣奉派驗放大臣 派出張英麟 李殿林 紹昌 廣綺 召見

軍機 姜桂題 會議政務處遞封奏一件

恩詔

奉 天承運 皇帝詔曰朕惟禮明追養孝莫大於饗親詩紀肇禮典莫隆於格祖馨聞是

播殷薦維虔矧 慈範樹於六宮尊崇宜備懿德光於四表報享尤殷爰考彝章用彰茂矩欽

惟 皇祖妣孝欽慈禧端佑康頤昭豫莊誠壽恭欽獻崇熙配天與聖顯皇后 坤元協

吉

泰運延洪

度表肅雍邁徽音於任嬀

道崇巍蕩躋邦治於唐虞

親

政事而宵旰忘勞

軫民依而暑寒泯怨

錫萬宇承平之慶式啟鴻圖貽

兩朝

遠大之謀彌殷燕翼羣賢並進左右夔龍元惡必除誅流驩絲乃醜類尙思蠢動渠魁猶肆鴟張特遣六師用張九伐舉瑯戈而西指關隴肅清擁鐵甲以南征江淮底定由是 皇圖鞏固上理

咸登寰海交通宏規益闢儲羣材而立學

文教覃敷習陣法以成軍

武功丕顯興墾

務而盡田疇之利修鑛政而發金錫之藏振商業則百產羅珍尙工藝則五材備用舟車畢達權量胥同而且恤民以減刑章化俗必敦禮讓 肅明禋於 闕里俎豆升歆 講信睦

於鄰邦敦檠修好蓋能綜古今之制斯能審中外之宜是以會集議員頒行憲政允符輿論胥洽羣情朕以幼沖繼承大統恪遵 遺訓勉奉 前型仰 聖化於椒庭功參位育陰

恩暉於蘭殿祚衍靈長方期率土臚歡永嵩岳華封之祝詎意

重霄遠隔增秋霜春露

之悲 澤溥璿圖五十年創成宏業

光宣璆冊廿二字崇上徽稱昔年

吉壤曾

諏隰原是度今日 神鄉永奠靈爽攸憑奉先則志切瞻依望

山陵而興感承祀則情

深愾優饗

寢殿以通誠敬告

天

地

宗廟

社稷

先師於

宣統元年十月初四日奉安

菩提略

定東陵禮成初九日升禱

太廟几筵在

御彌存昭假之思圭瓚肅將益切苾芬之薦既竭誠而盡禮宜錫類以推恩所有事宜開列於後

一恭送

孝欽顯皇后奉安禮成之執事大臣官員加一級

一直隸辦差之地方文武官員

加一級

一內外大小各官除現在品級從前已得封贈外其升級改任者著照新銜封贈 一滿

漢孝子順孫義夫節婦該管官詳加諮訪確具事實奏聞禮部覈實旌表 一各省儒學以正貢作恩貢以次貢作歲貢 一各省養濟院所有鰥寡孤獨及殘疾無告之人有司留心養贍 一窮民無力營葬並無親族收殮者地方官擇地多設義塚掩埋毋使暴露 於戲重祭先之典告備告時徵昌後之祥卜年卜世尊親共戴與覆載以同仁菲祿偕臻徧域誕而被德布告天下咸使聞知
宣統元年十月初十日

上

諭

十月初十日內閣奉

上諭恭送

神牌黃輿回京之王公大臣均著賞加一級各旗營派出護送官員著一併賞加一級兵丁著賞

給半月錢糧其沿途恭請

黃輿之變輿衛校尉五百四十八名著每名賞給一兩重銀鏢一個由廣儲司

支領欽此

旨本月初九日

孝欽顯皇后升祔禮成所有

太廟讀祝官景明贊引官常清典容官瑞鐸唱樂官德

祿著各紀錄三次獻帛爵之宗室章京載照惠普毓照載霞崧耀溥棠聯福毓佑延慶瑞亮載岳毓盈德岫安齡玉通恩鈺恒圻毓鏞善岫溥荃溥凱松瑞春元恩榮毓樸毓杲祥增載鈺齡興瑞載莊榮昌恩厚溥霽溥霖載勳益秀扎朗阿溥陽毓英載勃載煒盛昆等四十三員並著各紀錄二次欽此

旨成都將軍著玉崑補授欽此

旨涼州副都統著恩志調補欽此

交

旨

十月初十日軍機大臣欽奉

諭旨會議政務處奏議覆趙爾巽電奏成都將軍權限一摺著依議欽此

奏議錄要

法部奏擬補奉天各級審判檢察廳員缺摺

奏爲照章擬補奉天各級審判檢察廳員缺據咨開單恭摺請

旨遵行事竊准東三省總督錫良等咨稱奉省

審判檢察各廳員缺該司於光緒三十四年八月第一次遴員請補案內聲明額缺尙未補齊俟派委試辦各員試驗有效再行陸續請補隨咨行法部於是年十月十六日奏奉

諭旨允准嗣宣統元年三月該司呈擬各廳員缺俟派署六個月後分別請補等因亦經核准轉咨有案溯自上年請補一次後歷時已屆一年所有派署廳缺人

員資勞並著者應擇尤請補以資策勵並援照法部人員補授京師各級審判檢察廳推事檢察官成案將擬補之

程繼元等四員開明履歷冊加具考語呈由該督等覆核無異照章咨請奏補前來查臣部前於三十三年十二月

內奏准會核奉省各級審判檢察廳官制摺內聲明將來法官請

簡請補事宜應由開辦審判廳各省隨時開單咨達臣部以便奏明請

旨依法升降等因嗣經該督等將初次擬補各員遵章咨部由臣等開單奏請補授

各在案查臣部奏定審判官制凡直省高等以下檢察廳檢察官地方審判廳推事暨高等審判廳主簿各缺俱係

奏補之官茲據該督等咨稱各該員派署司廳員缺歷時已久均屬著有成績臣等查該省成立之省城審判各廳

及撫順營口新民各地方初級均在籌備期限以前與各直省甫經創辦應於明年成立者確有不同既經照章咨

請奏補謹摘叙該員等簡明履歷按奏定品秩將原注考語一併開列清單恭呈

御覽合無仰懇

天恩俯念奉省司法員缺緊要准將程繼元等四員補授各廳推事等缺以勵勤勞而專責成如蒙

俞允該員等係請補審判各官員缺與別項行政官吏不同應由臣等咨行該督等飭知各該員俟接代有人即行咨送臣部帶領引

見以符定制其餘各直省明年成立之省城商埠各廳缺應仍遵照本年七月臣部奏定章均先報部作爲

署任俟法官考試任用章程實行後再行考核成績奏明辦理所有據咨請補員缺緣由理合恭摺具陳伏乞

皇上聖鑒訓示謹 奏宣統元年十月初一日奉 旨依議欽此

御覽

署理承德地方審判廳推事長四品銜法部主事程繼元現年二十九歲安徽休甯縣進士三十三年十月咨調到奉派充高等審判廳刑庭庭長代理前奉天府審判廳推事長奏署撫順地方審判廳推事長宣統元年閏二月調派代理承德地方推事長旋奉部章滿漢丁憂人員一律終制遵卽呈請解任終制咨部三月二十五日服闋呈請起復六月改爲署理承德地方審判廳推事長該員研精法學才識俱優擬請補授承德地方審判廳從五品推事長 署理提法司總務科二等科員調奉候選直隸州州判廖維綱現年二十四歲江西撫州府臨川縣副貢生考取民政部錄事二十三年四月調東姜委八月派充提法司科員上行走升署總務科二等科員該員熟精法律心細才長擬請補授高等檢察廳正六品檢察官 署理承德地方檢察廳檢察官候選州同吳肇和現年二十三歲廣西桂林府臨桂縣附貢生報捐候選州同光緒三十三年十一月由提法司札委奉天府地方檢察廳辦事委員三十四年十二月呈准派委奉天府地方檢察廳檢察官嗣經奏改奉天地方檢察廳爲承德地方檢察廳遵卽改署承德地方檢察廳檢察官該員辦事認真始終勤奮擬請補授承德地方檢察廳從六品檢察官 州同銜署理奉天省高等審判廳主簿九品錄事崔家駿現年三十六歲係浙江紹興府山陰縣監生考取京師外城工巡局書記生派辦外城巡警南分廳警務課刑事股事宜三十三年十一月到奉由提學司呈准試署高等審判廳主簿三十四年六月加捐州同銜十月咨補高等審判廳錄事仍准試署高等審判廳主簿該員熟悉例案辦事勤謹擬請補授高等審判廳正八品主簿

湖南巡撫岑春煊奏擴充農業學堂情形摺

奏爲湘省農業學堂擴充改良措辦成立情形恭摺仰祈

聖鑒事竊維裕國阜民以農爲本而農業之振興視

乎農學之進化湘省夙稱腴壤以地利之饒沃民俗之勤儉悉足以組織新機創興美利則設學以宏教育闢場以資試驗實爲目前切要之圖查湖南農業學堂原係農務試驗場改辦自光緒二十九年升任撫臣趙爾巽於北門外擇地飭設場所經營伊始諸務草創謹於場內植桑養蠶兼蒔菓蔬招集學徒數十人抱甕灌畦實地練習而講堂未設科學未講原無學堂規則至光緒三十一年升任撫臣端方及前撫臣龐鴻書先後加之提倡力圖擴興乃就試驗場增築講堂學舍先辦速成蠶料光緒三十三年甲班學生畢業後增設永久蠶科雖普通實習之農林科

日多未設備而農業學堂已於此立其基矣光緒三十四年經臣檄委候補道張鴻年充當該學堂監督飭該員將全校及試驗場情形詳細體察切實整理緣試驗場之設原以辨土宜物性之殊參理化格致之妙若種植之門類不分則試驗之名義不符爰就舊闢場址改用新法種植分全場爲二圃四科曰花園曰菜圃曰園藝科曰普通科曰工藝科曰蠶桑科俾學堂學生聽講餘暇率同園丁分類實習並於場內建設肥料場氣象臺守望亭實習講堂及會議管理接待諸室以資應用而便考察至學堂係以中等農業標稱程度當占優勝科目即當求完備議定於原有蠶桑之外添設農林兩科遴員分赴直隸湖北等省考察辦法暨延聘直隸高等農學畢業生充當教習農科業於本年上學期招考學生開班授課其林科正在提前組織已將南關外嶽麓山官荒闢爲森林試驗場設局培秧以爲林科學生實習之預備一面籌措設備事宜一面考送合格學生儘本年下半年內開班似此農林蠶三科並設全校學生受課時既有互相考証之功畢業後應有實地推行之效其校中規章辦法及支配鐘點採用課本俱由該學堂監督率同各教員悉心安定繕具表冊詳經臣督飭提學司勸業道詳加考覈與奏定學堂章程相符惟是湖南農業學堂自開辦迄今已歷六年前因組織多所缺略未便奏請立案今增設學科推廣試驗場規模已屬粗具此後分科教授農科進步農學振興之效庶有可期據署提學使吳慶坻勸業道唐步瀛詳請 奏咨立案前來臣查湖南農業學堂開辦雖歷數年自道員張鴻年接充監督銳意改良設法擴充年餘以來將校中應行建置設備組織事宜辦理妥洽實屬規模具備臣仍當督飭該校監督率同教授管理各員認真經辦務期教育漸臻普及農民各諳新法以仰副 朝廷振興農業之至意除將科目程度表冊分咨學部農工商部查照外所有農業學堂擴充改良措辦成立緣由理合會同湖廣督臣陳夔龍恭摺具陳伏乞 皇上聖鑒敕部立案施行謹 奏宣統元年十月初六日奉 硃批該部知道欽此

公牘錄要

督憲端准度支部咨送通用銀錢票行號表式札飭藩司查照文

爲札飭事九月二十一日准 度支部咨開通阜司案呈本年六月間本部釐訂限制官商銀錢行號票紙暫行章程二十條奏蒙 允准咨行並咨催按表填報在案茲准各省督撫陸續送到該省官銀錢號發行數目等項本

部已分別核辦各予存案備查惟商設行號林立發行票紙向無稽察一遇虧倒全市震動小民受害甚酷其爲幣制前途之害更不待言自上年本部奏定銀行則例以來迭次催令此種行號備資註冊以便稽察而維市面比年新開行號呈請註冊者固屬不少而舊設者多未補請查暫行章程第五條限於文到六個月內凡發行銀錢票之行號均須呈請地方官報部註冊逾限則由地方官分別處罰現在限期將屆除京師由商會彙總呈請註冊四十六家外餘均應由各該地方官會同商會紳董按照此次發出第一表式迅速查明報部其開設有年准其暫仍發行票紙者應飭照第二表式自行填註各節呈由該地方官報部分別註冊立案如仍因循玩視一踰限期即當勒令將票紙全數收回並查照暫行章程第十八條辦理各地方官遇有呈請註冊立案等事務宜遵章迅辦不得留難壓擱以恤商艱相應咨行直隸總督轉飭各該地方官切實遵辦並將部文表式暨前咨暫行章程二十條刊印成冊轉知商會紳董並通飭銀錢行號遵照可也等因到本大臣准此查前准度支部咨送奏定通用銀錢票暫行章程二十條業經札行該司轉行遵辦在案茲准前因應飭該司將此次表式並前次章程二十條迅速刊印多分轉移天津保定商務總會分行各分會並通飭各屬一體遵辦仍移天津銀號查照將刊件呈送數件備查合行札飭札到該司即便遵照辦理此札

南和縣擬令錫章稟 督憲開辦自治研究所文

敬稟者竊維族師比長載在周官三老齋夫詳於漢史古先哲王莫不備言自治以輔官治所不違法至良意至美也第法積久而弊生制閱時而漸變後世雖有鄉正里長之名而不能收身臂指使之效無怪百事廢弛民政日窳迺者 朝廷勵精圖治頒布立憲 明詔講求自治宏規前蒙 憲台札飭設立自治研究所並蒙頒發各項章程等因卑職以地方自治卽爲立憲之始基設所研究卽爲自治之預備隨卽邀集紳董飭令公同組織去後茲據在津學務公所自治研究畢業生附貢楊育榮增生侯贊元增生王勵清文生溫培榮稟稱竊生等屢奉面諭以自治研究所爲本年應辦之事自宜亟爲設立以造就公民資格奉諭之下欽佩莫名遵卽會同學警紳董籌商議定將現改工藝局之訓導舊署作爲開辦地址以工藝局移設遺愛祠內一面卽將訓導署房屋修理補葺作爲辦公及各員宿舍又將署西相通之節孝祠三間稍加修葺作爲講堂仍由訓導署前面一門出入南邑地瘠民貧素

乏地方公款經費急切難籌惟查奉發自治研究所一覽表內各屬經費均由學警餘款項下籌撥者居多生等公同商酌亦擬仿照辦理暫在學警餘款內各撥制錢一百千作為開辦經費其餘每月約需制錢二十千左右八個月畢業不過二百餘千暫擬陸續提撥節動用核實開支一面當妥籌的款仍將提撥警學餘款如數歸還現已公舉法政畢業舉人文夢熊為講員每月津貼薪水制錢十千又舉附貢楊育榮為所長增生侯贊元增生王勵清文生溫培榮充副講員及管理庶務會計等事均盡義務不支薪水按照調查初選舉人名區域將境內城鎮鄉村劃分七區中區挑選合格學員五名其餘六區各挑選三名共二十三名其額外學員作為旁聽一切均歸自費其課程悉遵 憲政編查館奏定科目講授每日以六小時為限照章八個月畢業俟畢業考試後令分赴各區宣講以開民智並由生等擬就簡章呈請核定房屋修理完竣桌椅置備齊全定於九月初一日開所屆期蒙父台親臨督視又蒙演說開所宗旨並將 憲政編查館奏定及直隸籌辦地方自治總局擬定府廳州縣地方自治詳細各章程擇要朗誦是日入所聽講正額學員二十三名旁聽七名各守規律肅靜無譁咸瞭然於義務之當盡流弊之應革靡不歡欣鼓舞共贊厥成庶將來自治實行得以早收效果所有遵諭設立自治研究所謹擬簡章及學員姓名並開辦日期理合稟請查核轉請立案等情據此卑職查該員等所擬簡章尚無違碍除將學員姓名備案一面督飭妥為經理力求進步外理合將送到簡章開具清摺據實馳稟 大帥查核俯賜批准立案實為公便肅此具稟恭叩 鈞安伏乞 垂鑒 (章程錄後)

文告錄要

督憲批示錄要○礦政調查局詳宛平縣屬柴煤各客戶交費領照各數目列表請咨由 批據詳已悉仰候分咨

農工商部 順天府尹堂查照表存此繳

臬台批示○清豐縣文童郭朝會來司呈控一案 批迭據爾父郭效先來司呈控當經飭縣審辦在案乃爾父並

不遵批赴縣投審輒敢令爾出頭來轅砌瀆顯係情虛畏審著仍遵前批赴縣投審毋再砌瀆仍候行縣知照○

易州監生王振鐸來司呈控一案 批前據呈控業經飭州訊斷詳奪在案如係理直情真該生儘可赴州投審

該州自必秉公斷結何必鯁鯁過慮來轅屢控殊屬多事特飭並候行州知照粘單附○肅審縣民人馬思聰來

司呈控一案 批查此案前據該縣以爾女宋馬氏因怨恨其夫宋寅跌傷右腿成廢乘間自縊身死經該縣驗訊取具鄰佑並爾甘結填格詳蒙 督憲批司飭府核擬死由自盡應毋庸議擬結在案如果爾女係其夫兄宋增圖姦未遂起意將其勒死爾應當鳴冤何以事閱半載始行出頭來轅呈控顯係藉屍訛詐希圖拖累不准併飭粘單附

天津縣董事會公告○李運清爲請分三股納租說帖 議覆說帖閱悉所請地租分三股交納自應照准惟所欠地租急宜交清萬勿拖延此答○卡家莊六村石光興等爲聲明義地事說帖 議覆說帖閱悉公地出租應將租價及租出地畝數開具清單送交本會存案此答○白塘口十村村正副范從周等爲請免租事說帖 議覆說帖閱悉青苗被毀自係實情候詳請自治局可也此答○李兆奎等爲認租西門外僧王廟官坑一段說帖 議覆說帖閱悉侯丈量清楚卽爲議租此答○王少臣爲心懷叵測妄行謀產說帖 議覆候約劉少泉到會質問再爲核議此答○楊家莊三村范竹波等爲違論索鹽兄弟尋毆請送縣究辦說帖 議覆說帖閱悉已送縣傳究矣此答

電報錄要

路透電○前中國總稅務司赫德君之女公子許配英國議士柏落代氏(譯音)已於西十一月二十號在教堂舉行婚禮

又電○西十一月二十二號德政府聲稱擬預備在亞逮那並楚畢讓(均譯音)兩地均設立德國領事衙門

柏林電○前一千九百零二年間充德國頭等使臣何來賓氏刻下起程往美京華盛頓路經蘇芝直往東至青島登岸(查該氏在一千八百七十三年至一千八百七十五年前奉德國派充查辦事件在中國北京並東京等處並在一千八百八十五年間代理麻喀度公使事務兼充德國上議院頭等議員之職云)

又電○駐番乃斯地方之俄國公使扣寇斯夫氏(譯音)日昨已回俄京接到哈爾濱俄員稟稱俄京傳諭從前徵收外商稅捐等款務當認真辦理云

又電○法國駐華提督寇魯布扣斯喀氏日前接到該國政府電調回國

又電○西半球北大西洋境內加拿列司羣島之特泥類(譯音)地方忽有火山一處發現刻正噴火云
大連灣電○美國教師哈拔特氏於西十一月五號由仁川乘輪起程於七號上午行抵大連登岸當由日本警察沿途照料少留片刻隨搭輪前往上海於十一號復由上海起身乘日本輪船西京丸開赴英國倫敦

新政紀聞

政治

咨請札銷交通官報○日前 郵傳部咨各省略謂本部所辦交通官報係爲開通風氣振興實業起見已於七月出版特咨送分請轉發各屬購閱云聞各省已札行勸業道遵照矣

福建諮議局會議記要○福建諮議局於九月初七日開始會議督院及司道府廳縣均到督院席居正中後面之最高處明示監督之意司道各官列於督院之旁前則議長之席比諸議員高一級議長席之左爲書記長席次爲速記者席再次爲各議員席樓上爲外國官吏席新聞記者席旁聽席屆時搖鈴開會先由議長起請起草員副議長劉崇佑君立演壇提議各項規則草案與諸議員共決所有草案均順序通過問僅有一二條駁議改正初八日午後一時又開議本局議事草案及辦事細則旁聽規則守衛規則均已通過惟該局擬遵照 憲政編查館來電改設議場席次公決初九日爲重陽節假期十一日爲星期初十日再行停會一天以便趕辦改設議場席次云

學務

獎給演兵式操學生○奉天提學司前定本月初二等日在風雨臺觀各學堂演兵式操是日各校學生排隊到場大學堂係分操小學堂則係聯合數校同操步伐均極整齊事竣後提學司頒給大學堂學生各書一部小學堂學生各鉛筆二枝以示獎勵聞十六日仍須舉行一次云

塾師補習所定期開學○江蘇提學司詳奉撫院批准於省城設立塾師補習所通飭各屬每縣選送四名於九月二十日以前申送來司攷驗茲聞樊學司以現已逾期僅據吳縣震澤崑山無錫金匱陽湖武進宜興荆溪丹徒丹陽等縣申送來省其餘均未見送到未便再緩爰先期於十月初二日取齊初四日考試初八日開學一面復

飭令各縣凡已申送者卽飭各生束裝來省其未申送者趕卽隨選隨送逾期概不補考

請留漁團經費辦學○浙省支提學現據旅杭台府學界周配義等具稟略云台州前因辦學經費支絀稟准上台請將台屬漁團費提撥補助有案可稽現聞此項漁團費將改撥辦理海軍之需以致學費無著叩恩仍准截留辦學以造人材等情支提學察閱稟詞以現在海軍緊要此款能否仍可截留批候撫藩衙門批示再行核議

軍政

陸軍分咨參謀章程○陸軍部咨各省云軍政司案呈竊軍諮處奏定暫行章程內開統轄陸海軍參謀等官並考覈參謀成績等語查參謀官輔佐統兵大員籌畫國防及用兵機務兼掌練成軍隊各事宜關係軍事極爲重要是以東西各國於參謀任務皆定有專章所以重責成嚴考覈也現值振興軍備之際自應參仿各國成規釐定參謀章制以資遵守當經公同商酌謹擬訂陸軍參謀章程六條繕具清單恭呈 御覽奉 旨依議欽此相應將擬定陸軍參謀章程並清單一紙咨行各督查照可也 計開 第一條參謀官輔佐統兵大員籌畫國防及用兵機務兼掌練成軍隊事宜其他特別任務悉依各項專章所定施行 第二條各參謀官均直隸於軍諮大臣依所定編制服其勤務 第三條各參謀官以正軍校以上具下列兩項資格者方可充當一陸軍大學堂未立以前曾在軍官學堂畢業或遊學各國陸軍士官學校以上各學堂畢業且在軍隊任職一年以上經軍諮大臣認爲能勝參謀之任者二材能出衆深曉軍事之軍官經軍諮大臣歷試不爽者 第四條凡參謀官每進一級至少須在軍隊服習勤務一年 第五條各參謀官差缺可令彼此互調以期熟習其職務 第六條參謀官每年可令任擇兵科一門在隊兩月服習隊中勤務云

延聘紳士會辦營務○皖撫朱中丞以皖北地方遼闊民俗強悍內奸外匪時虞竊發本年水災之後戶鮮蓋藏冬防尤關緊要必須官紳協力方可弭患無形查有在籍記名道于紳振江老成幹練久歷戎行素爲鄉里所推重而於皖北情形尤爲熟悉現擬延聘爲皖北營務處會辦藉資襄贊每月由皖北道致送夫馬費一百元並派馬隊十名以供差遣已照會該紳遵照前赴鳳郡到差與皖北營務處總辦統道籌商一切以靖地方

實業

習藝所擬添織布工藝○奉天提法司秋司使擬將習藝所附近地基添購一處修建房屋添置織布機器延請機師教授織布工藝惟款項難籌擬先由商家息借市錢三萬吊暫行試辦將來如果辦有成效再籌鉅款實行開辦以資提倡云

籌辦勸業場之預備○南洋開辦勸業會各省應行設置出品協會現經江督張制軍特派坐辦陳琪擬定陳列之天然製造兩項出品佈置名目事項分告來粵即由廣東勸業道接奉大吏諭飭籌辦組織各事除已派員在該會場籌辦建設事宜外已將應行赴賽品物逐件查定先列名目細表內計屬於天然出品共分礦砂數種農產十餘種(凡農事試驗區試辦各種亦附列於其內)絲產數種林產果產草產花產動物產海物產水族產蟲族產共數十種屬於製造出品共分銀製竹製繡品畫品藤製木製雕製羅甸銀製牙製角製漆製銅製錫製絲織竹織燒青器玻璃器燒料器燈具磁製瓦製皮製以及教育品藥料藥製服裝洋式器具新式建造鐵料水機帆製棉製線製涼遮象皮製一切改良仿製新發明之類(凡工藝學生女學堂新製各種品物均附於其內)共三百餘種除商辦各種品物不計外所有官辦出品協會應備品物均照現辦勸工陳列所佈置辦法每各以玻璃箱盒按類裝備並各註明出產地製造處所原料價值發售價值即按編號數分號列明以備參觀其製造非賣品及各重大物品則另闢寬展地方陳列藉資區別現已酌擬辦法詳由大吏核明派員陸續調查備辦云

路礦

筍知甯蕪鐵路辦法○江蘇甯屬諮議局於上月二十五日接奉督院劄開為劄行事案准該局呈報議決事件並附清摺議決接築甯蕪鐵路案一件到本大臣據此查洋員測勘路線原圖本署未經存檔業據呈抄行甯省鐵路管理處王道飭令連同甯省鐵路成本盈虧報摺一併呈送以憑核發其皖省紳商會議一節應候本大臣抄案咨請皖撫部院發交安徽諮議局會議除分別咨行外合行劄知劄到該局即便知照特劄

彰德煤窰之發達○河南彰德府屬之煤窰本為汴中第二地(懷慶府為第一地)自福公司煤暢行後彰紳咸懷畏懼因之極力提倡廣開煤礦以為抵制之計自今夏以來各窰戶挖得之煤甚多並採得煙煤窰十餘處可供火車之用所以日來火車用煤無不用彰地所產者約計價值每年可得銀一百五十萬兩

續十月初九日 南和自治研究所簡章 奉天濟良所章程

直隸南和縣自治研究所簡章

第一條 定名 本所爲預備南和縣地方自治事宜而設遵章名爲南和縣自治研究所

第二條 宗旨 本所係奉飭設立應遵頒發自治章程辦理研究地方自治學理法則造就公民資格以期畫一而昭鄭重

第三條 地址 本所以訓導舊署及節孝祠房屋稍加修葺略爲佈置暫作講堂宿舍等用俟籌有的款再行添築建置

第四條 職務 本所應遵章以本地縣官爲監督公舉法政畢業舉人文夢熊爲講員天津自治畢業附貢楊育榮爲所長自治畢業游歷東洋增生侯贊元自治畢業增生王勵清自治畢業文生溫培榮爲副講員及管理庶務會計等事除講員每月津貼薪水制錢十千外其餘各盡義務不支薪水

第五條 學員 本所按照調查初選舉人名區域將境內城鎮鄉村畫分七區中區挑選合格學員五名其餘六區各挑選三名計二十三名旁聽七名共三十名

第六條 課程 本所應遵照奏定各項科目切實講授俾令通曉法意以爲實行自治之預備

第七條 期限 本所各學員均以八個月畢業俟畢業後照章考試詳定等第發給憑照

第八條 經費 本所係爲地方自治預備應歸各紳董自籌無如南邑地方瘠苦素乏公款經費急切難籌現已

公同商定仿照各處指撥學警餘款內各撥開辦經費制錢一百千每月約需制錢二十千左右暫擬陸續提撥撥節動用核實開支一面當妥籌的款仍將提撥學警餘款如數歸還庶幾地方公款各有界限不致紊亂

第九條 規則 本所各學員應恪守所內規定細則不得踰越範圍

第十條 緒餘 本簡章未列各項悉遵頒發章程辦理倘有未盡事宜隨時會議斟酌改良

奉天濟良所章程

一 凡被領家非常虐待暨需索重價勒索阻從良之妓女一經官廳審實發交者

一 凡有暗自逃走之娼妓暨被誘私拐之良家婦女等經巡警查獲發交者

一 無家可歸收留乏人者

一 不願爲娼親自投入者

一 如有帷薄不修被出於夫或被逐於父及其他特別情事由該女親族具結保送者

一 無論女優娼婦或經本所訪明或被巡警查出實係受假母凌虐均須呈明行政官廳指名提究本所不擅自拘傳以清權限而杜弊端

一 凡在所婦女各應照像片一張註明姓名年齡編列號數交總理收存如有願娶者須領取券據由執事驗明接入像片室指明某號像片報告總理女管理當場監視飭令男女面商如入觀之人舉動不正即交巡警局懲罰

一 凡願娶所中婦女者須由本人開具志願書二分註明年籍職業爲妻爲妾取具妥實舖保親立押結並無冒領及爲娼轉賣等弊方准領出

一 如查領娶後有假冒及爲娼轉賣等弊應即追究舖保同原領人一併分別罰辦

一 凡繳到志願書切結後須拍小照各二分交所存查由總理女管理監視男女在志願書上當面簽字即准擇娶其願書小照本所各留一分令男女收執一分以爲久遠證照

一 凡願娶所中婦女者如假借姓名一經查出定行駁斥

一 如所中婦女係姦拐來歷不明及被領家非常凌虐者擇配時均不給還身價

一 所有酌還身價由領娶人呈繳總理移送警務公所轉飭該領家呈領該妓女典身後爲娼已滿一年者減去身價三分之一滿二年者減去身價三分之二滿三年者身價全行豁免如在所待嫁滿一年者減去身價十分之五滿二年者亦全行豁免

一 如願娶者除照十四條所載違辦外餘無格外化銷若情願捐助所中經費者由本所發給收據並登報週知以彰善舉

一 所中婦女擇配後如夫家待遇凌虐而有鄰證或傷痕確鑿者該女自行投所呈告經本所調查確實可將該女收回另行擇配

心力交瘁

重慶有告退知縣曾患腦虧身弱之症數年之久氣體衰頹迄無良方以絕後患乃竟得章廉士大醫生紅色補丸之功復其精力除其病源矣

湖南知縣魏君芳罷官而歸居於重慶曾將其所親試之章廉士大醫生紅色補丸之益函告如左云○西歷一千九百年北方拳匪倡亂時余在湖南常德郡曹任兼總辦警務差斯時匪勢甚熾因巡此防認真晝夜不寐積日既



寓渝辭職知縣 久腦筋大受虧損身體異常衰弱幾為不治之症後罷官督省遍嘗補腦補血各藥均無功去秋因事赴漢萬漢皋客邸腦疾復發同職知縣 寓有沈君各告以章廉士大醫生紅色補丸為補血補腦中之聖藥余遂立意嘗試之即向中法大藥房購得一瓶依法試服繼及一月後則腦疾頓期覺精神漸復由是續購六瓶連日服之迨至一月後則腦疾頓愈矣冬間渝人見余疾全消皆詫異余之功也余因親受此丸之神奇咸稱是丸誠能使人有延年益壽之功也余因親受此丸之益特書可箋鳴謝並略誌其事廣告同胞以證紅色補丸之功也天下著名醫生紅 湖南知縣江右魏芳拜贈 章廉士大醫生紅色補丸為天下著名色補丸 補血補腦之聖藥 腦筋衰弱 少年虧喪 陽萎不舉 胃不消化 氣衰 肝經各病 頭痛頭暈 背骨疼痛 風溼骨痛 腎虧痠痛 之奇功 諸虛百損 腦筋衰弱 少年虧喪 陽萎不舉 胃不消化 肝經各病 頭痛頭暈 背骨疼痛 風溼骨痛 腎虧痠痛

胸膈漲痛 左癱右換 跳舞瘋病 腳氣衝心 瘡疥疔疹 山林瘴氣 以及操勞過度等症又曾醫治婦女經水不調一切諸患均有絕大效驗中外皆知洵為女界中著名之聖藥也 章廉士大醫生藥局中國總發行處購買處商店藥局凡經售西藥之處均有出售或直向上海九江路B字第八號章廉士大醫生藥局中國總發行處購買亦可價銀每六瓶大洋八元每一瓶大洋一元五角 遠近郵費一律不取

上海九江路B字第八號章廉士大醫生藥局啟

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元九角現在老龍頭辛莊均設立分廠儲有此煤以備 光顧就近相購者甚便若弗自取請賞一音本公司自備有安實車脚代能送去其脚力品之路途遠近現議較自僱必格外公道其各種焦炭木煤價亦從廉恐未週知特報官聞 電話一千二百九十三號 河東糧店街廣昌公司謹白

商務印書館出版各書上海總發行所 分館發售

欽定大清會典事例全書 版式大小謹遵 商務印書館恭印

會典 會典圖 進呈原本

是書前由敝館承印伏讀外務部進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志一函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期其初義無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦趕將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津商務印書館新書出版

天津分館開設 河北大胡同 電話五百二十六號

新 啟
告 司 公 限 有 灰 洋



啟者本公司係承受唐山洋灰公司老廠另購外洋最新式機器旋窯等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管管子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不誤期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 文 洋

本行開設天津上海香港志呢華海參議等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本行面議可也 本行主人啟

瑞 林 祥 元 記
綢 緞 洋 貨 莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡桃蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零貨均照行價發兌中外 紳商賜顧移玉是幸 瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珠藍 奇巧美術玩器 學界文房用品 旋行携帶等件 精工變身物料 定織各色帶氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

督署兩等小學招生廣告

一宗旨

以合教官紳士民子弟為主不分省界

二地址

在督署後天緯路北

三學級

本校分高等初等兩級

四課程

高等

講經

國文 地理

格致

算術

手工

音樂

英語

體操

第三年第二

初等

讀經

國文

算術

音樂

團畫

五年齡

學期酌添農業商業工業為隨意料任各學生認學一科

高等以十四歲以下十一歲以上為合格

初等以八歲以上十一歲以下為合格

六學費

免收

七膳費

由本堂備午膳不收費

八書籍操衣

不在堂內用膳者聽

費 均自備

九資格

高等以能作短文為合格

初等以能識字能寫字為合格

十卒業

高等初等均以四年卒業

十一獎勵均遵

部章

高等生卒業最優等得舉廩生優等獎增生中等獎附生 初等由督帥及 提學司考試分數合格由本校發給卒業文憑准其升學 侯傳考惟本人父兄不得作保證人

督署兩等女學招生廣告

一宗旨

以合教官紳士民女子為主不分省界

二地址

在督署內後花園

三學級

本校分高等初等兩級

四課程

高等

講經

國文 地理

格致

算術

圖畫

女紅

初等

讀經

國文

算術

音樂

女紅

圖

五年齡

以上為合格初等以七歲以下十一歲

上十一歲以下為合格

六學費

免收

七膳費

由本堂備午膳不收費

八書籍操衣費

均自備

九資格

高等以能作短文為合格初等以能識字為合格

文為合格初等以能識字為合格

十卒業

高等初等均以四年畢業

十一報名

由學生父兄偕同妥實保人至天緯路本校報名聽候傳考惟本人父兄不得作保證人

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

預 告

本報繙譯路透電報錄要一門倘值詞意兩歧或偶有訛誤之處閱報諸君如有匡謬當隨時更正特此佈達

本報繙譯處謹白

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電天津三才里丁春兄籌賑款平足六千五百兩已收到敬謝蕃皓印按前項賑款內係京都恆裕金店籌賑處匯來京平銀三千兩天津官報局籌賑處公砵平銀三千五百兩分交蔚豐厚協同慶兩莊於九月初十日由津電匯甘肅今得覆電特此登告再查甘賑已無須接濟同人公商擬即停止所有已經書捐及未書捐册務望於十月初十日以前一律交回以便照刊徵信錄

天津官報局甘肅籌賑處謹啓

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

天津南開私立第一中學堂招考新班學生

考期一在本年十二月初六日上午一在明年正月十八日下午